

福州美以美集
會史

一九三六年

原序

吾會在閩事業。久爲海內外所瞻仰。其間不少蓄道德能文章者。以時際草創。會務方殷。各奮其志。以關靈關。宜其不遑徵文考獻。從事翰墨之林。是以設教以來。自年錄報章外。未有一字之紀述。非諸尊宿有所未逮。亦以時會有不得兼。留以待於後者也。十年以前。許牧師則翰倡始以編輯福州美以美年會歷史請於年議會。先後舉黃治基余淑心諸牧師董其事。而實命芳司筆政。曾於己未歲。福州年議錄中露其一斑。旋以病廢。稿亦叢殘。客秋奉福州年議會命。編纂史略。辭不獲命。乃重理舊緒。爲之刪繁就簡。分類紀述。不足則近訪諸父老。不足則遠徵諸四方。網羅散失。釐爲卷帙。間一寒暑。草創甫就。方圖潤色。就正。高明。而吾友薛永香牧師代徵稿件。促其速成。重違公意。姑從呈繳。竊惟吾會入閩八十餘載。欲求千頭萬緒之事實於湮遠之年代。固非一人聞見之所能周。亦非一朝一夕之所能藏事。而況茲編急就成章。挂一漏萬。秋瓜凍芋之誚。知所不免。始以非我志也以自解。或爲大雅之所共諒。自今而往。或竟忙而輟筆歟。則以爲何烈之草史可也。或又有所綴。則以爲陶岳之補錄亦可也。抑或推以擴之。演爲中國之宗教史歟。則以爲李燾之長編又無不可也。有心教乘者。其肯爲劉昭之續。李筆之補。吳縝之糾繆。則尤芳所翹企者也。讀者藉此稍窺神天之意旨。教會之文獻。宜念羣公贊助之盛心。而拙作直如大輅之椎輪。又有賴於異日之踵事增華者焉。

主歷一千九百三十二年九月平潭晦叔林顯芳自叙

福州美以美年會史序

序 二

福州爲我美以美會之策源地。沿歷八十八年。有堂會一百五十五所。有會友一萬一千六百六十六人。有學校醫院共八十八處。有服務人員都四百七十一人。而本省之興化延平及改屬閩南長老會之永春。與外省之華中華西華北諸年會。皆自福州年會分支而出。是烏可以無史。雖然史豈易言哉。古往今來。質文遞變。則體例難。淺末恒說。滓穢相參。則鑒識難。憑臆自用。妄自標榜。則覈實難。輕弄筆端。役文遺義。則撰述難。昔史遷爲紀傳家之祖。其爲文彪炳萬代。然識者尙譏其循名責實。再三乖謬。矧本會自入閩以來。多歷年所。事多傳聞。言罕實錄。掛一漏百。搜羅匪易。臆揣耳食。徵驗無從。甚矣夫下筆之不易也。

林牧顯芳。遂於史學。精於文章。獨慨然擔任此艱鉅之工作。而從事於本史之編輯。其毅力熱心。誠堪欽佩。顧集稿已十數年矣。徒以衆意從違。竟至遷延莫決。本年爲福州正式年會。六十週紀念。會中同人。僉以爲會史之出版。勢難再緩。於是淑心等遂承年會之命。委以刊印之責。搜集舊稿。拾遺補缺。籌募刊費。展轉數月。始告竣事。其原有文字之華質。篇章之長短。事實之詳畧。多仍其舊。淑心等無暇一一過問。而因急于付梓。不及致詳焉。

顧淑心於此。竊不禁有言焉。夫史者人類社會僵迹之展覽。吾人藉之以觀察先民活動之成績。以爲吾儕後人工作之資鑑者也。今舉吾美以美會之史蹟言之。若者爲佈道事業。若者爲教育事業。若者

爲醫務或慈善事業。凡前人之努力經營。有以彰神之愛而遺諸吾人者。吾人均當繼志述事。不敢稍自暇逸。而思所以遵守之保全之。卽凡前人之有志未逮。而爲今日之所需要者。吾人亦當奮勉從事。而謀所以恢宏之光大之。是則今日吾年會之有此史。一方固以揚先輩之芳芬。一方卽以策將來之邁進也。顧吾美以美會今日之情狀則如何乎。經濟來源。既逐年遞減。佈道人數。亦日少一日。凡百事工。均受影響。設非具奮勵精神。幾何得保持先業於不墜。然則今日吾閩之美以美會。非特不能繼長增高。且恐一落千丈。非特不能在各年會中完成先驅之使命。且一切施設。似乎皆瞠乎其後。借前史以觀今日。吾人當因之而深滋愧赧矣。雖然前事不忘。後事之師。吾人鑒既往以勵將來。則吾人對於以後之工作。當益知所以奮勉矣。夫道之大原出於天。天國之奧妙。在乎以一粒芥子。而能長成大樹。以些須麴酵。而能發起全團。前人往矣。彼其以一二人之苦心孤詣。而能招集同志。宣傳福音。使成爲今日根深蒂固。枝葉扶疏之教會。則以今日之教會。負復興以色列國及招集萬邦之使命。又豈不可能。誰歟其將爲芥子乎。誰歟其將爲麴酵乎。百遇而後。將有人重輯是史。而使之更有光於前乎。是則我福州美以美會之同工。所應人人自問。而思所以答覆之者矣。

公元一九三六
中華民國二五

年和清節迺良余淑心序於福建協和道學院之講舍

序 三

福州佈道年會。創於一八六六年。其始不過四教區。翌年北平九江兩教區隸焉。未幾福清興化永春古田延平閩清各教區次第成立。迨一八七七年懷禮會督來閩。組織正式年會。進步尤速。於是興化分立年會。延平永春繼之。教會蓬蓬勃勃。有一日千里之勢。迴憶二十年前。年會同志。恐年久事湮。倡議編纂年會史。無如醞釀多年。迄未成功。一九三二年會命明等爲編刊委員。根據林牧顯芳所編原稿入手。一九三三春繼續徵求各項史材。而應徵者仍寥寥無幾。且經濟無着。又告中止。


按林君原稿分十卷。洋洋灑灑十餘萬言。記佈道之開始。教育之設施。故牧行狀。教區沿革。以及慈善機關。文字事業等類。規模已具。惜功虧一簣。年復一年。事過境遷。仍難出版。

一九三五冬。組織委員會。公舉余淑心牧師爲主席。分經濟編輯兩部進行。經濟部許榮藩牧師。許世光先生。李素蓮師姑。謝秀英女士。編輯部余淑心林光榮暨明等。再行徵求教區事實。教育成績。牧師小史。各項照片。並現任職員履歷。所得材料。悉數編入二三四六各卷。其原有七八九各卷。篇幅無多。合併編爲卷五。年會程序編爲卷七。現任職員履歷編爲卷八。年會統計表編爲卷九。第十卷補遺。合計二十餘萬言。夏間付梓。現已藏事。明等各有職務。騰出一部分時間從事工作。掛漏之處。知所不免。閱者諒之。且先後徵求書數發。而惠稿者絕少。巧婦難爲無米之炊。此本史所以有美中不足之感也。

現美以美會遍國。除華中華北華西不計外。本省則有興化延平。合本屆福州年會六十週之統

計。共有二十四教區。三百餘座教堂。教會發達日新月異。雖曰主恩。亦前此中西牧師信友努力播種之所致也。然則我輩應如何負責而繼承其事耶。願與諸君共勉之。是爲序。

中華民國丙子仲秋又山李仲明序茶亭真神堂之寓齋



現任駐閩高智會督



督 會 韋



督 會 鮑



督 會 溢 恩 貝



姑 師 白



姑 師 程



生 醫 蘭



榮 心 光 淑 林 余


潘 姑 榮 師 許 李

明 光 仲 世 李 許

年會史委員




華南女子學院校全景



華南女子學院校正面




華南學院職員




協和大學遠景




協和大學教職員




福州基督教女子神學院



福 建 協 和 道 學 院




一 九 三 五 年 道 學 院 教 職 員 住 宅 奉 獻 典 禮 攝 影




樓齡鶴華英




生先齡鶴張



英 華 高 中 校 影




協 和 職 業 學 校




福州英女學校




古田縣初級中學




閩清毓真女子中學



古田德馨工讀學校



古田超古中學校



閩清天儒中學校